



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VI. Canon tamen duodecumus ejusdem Concilij detrahere videtur de supraea auctoritate Conciliorum provincialium. Permittit enim Episcopis damnatis ut ad majus Concilium provocent. Proponitur ...

urn:nbn:de:hbz:466:1-15617

ambiguitatis abolutione sancta synodo placuit ut Metropolitanus Episcopus à vicina provincia judices alios convocet, qui controversiam tollant, ut per eos simus & per provinciales Episcopos quod justum visum fuerit approbetur.

Hic canones Antiocheni abundè probant judicia Episcoporum fieri olim solita suprema Episcoporum comprovincialium auctoritate, etiamque ob diversitatem sententiarum necesse esset convocare nonnullos ex Episcopis vicinæ provinciæ. Quod non fiebat ea mente ut appellatio quæpiam aut revisio adversùs primum judicium judicaretur, cùm illud nondum factum esset, & cùm è contrâ illud supersederi debere visum fuerit postquam unusquisque sententiam promiserat. Igitur conventus hic extraordinarius fierat ut primum decretum conderetur, cui retraçando locus non erat.

V.I. Attamen dissimulandum non est sibi in speciem repugnare Concilium Antiochenum. Quippe hi canones quos protulimus jubent ut judicia adversùs Episcopos facta à synodo provincie supremata sint, adeo ut ab iis non liceat provocare. Et tamen canon duodecimus ejusdem Concilij permitit Episcopis damnatis in synodo provinciæ ut ad majus Episcoporum Concilium provocent, in quo rursus judicium feratur de accusatione. Vnde colligi videtur idem judicium esse supremum & appellationi obnoxium. Hæc sunt verba canonis duodecimi Antiocheni: *Si quis à proprio Episcopo Presbyter aut Diaconus, aut à synodo fuerit Episcopus forè damnatus, & Imperatoris auribus molestus extiterit, oportet ad majus Episcoporum converti Concilium, & qua putaverint haberi justa, plurimis Episcopis suggestant, eorumque discussione ac judicia pressolentur. Si vero hec parviperentes, molesti fuerint Imperatori, hos nulla venia dignos esse nec locum satisfactionis habere, nec spem futura restitutionis penitus operiri.*

Concilio horum canonum pendet, ut ego quidem existimo, à praxi illarum tempestatum; quæ interpretibus Græcis, atque etiam Latinis, ignota fuit. Ea autem versabatur in auctoritate quam Imperatores possidebant, concedendi videlicet rescripta pro revisione supremorum judiciorum, sive illa civilia essent, sive ecclesiastica. Nam edita Praefectorum prætorio obnoxia non erant appellationi, sed revisioni tantum, si eam is qui causa ceciderat fieri peteret libello in eam rem oblato Imperatori. Diserta sunt verba legis Imp. Diocletiani & Maximiani: *Litigantibus in amplissimo prætoriane præfecture judicio, si contra jus se laeos affirment, non provocandi, sed supplicandi licentiam ministrati-*

mus. Remedium illud in lege ult. Cod. de appellat. & alibi vocatur retractatio, vel αναψηλογια. Illud litigantibus concessit Imp. Iustinianus in Novella c x ix. cap. v. jubens ut libellum ea de causa offerant Praefectis prætorio, aut eorum Assessoriis; atque eo modo exsolvit illos necessitate implorandi rescriptum Principis, ut antea fiebat, quemadmodum constat ex legibus Codicis.

VII. Implorabantur etiam rescripta Principum adversùs supra synodorum judicia. Cui consuetudini temperamentum adhibet canon duodecimus Antiochenus, ut his quidem omnis spes restorationis admatur qui postquam damnati fuerint, preces Imperatori obtulent, ut ejus auctoritate restituantur, eorum vero causa per revisionem retractetur qui ab Imperatore obtinuerint ut novum Concilium habeatur, ad quod major Episcoporum numerus accedat.

Plurima hauddubiè hujus juris imperatorij exempla suppetunt, quæ probant Principes concessisse rescriptis suis retractationem judiciorum in synodis factorum. Verum omnia recensere inutile fuerit. Quapropter satis erit nonnulla, eaque magni momenti, adnotare; ex quibus constabit Ecclesiæ non existimasse jus illud fuisse injustum.

VIII. Primum itaque exemplum petitur à Concilio Sardicensi; quod de judiciis à synodis Tyria, Antiochenæ, & Constantinopolitanis adversùs Athanasium Episcopum Alexandrinum & Marcellum Ancyram latiss cognovit permisso Imp. Constantij & Constantis, qui eorum causam retractari concesserant. Ingenuè id fatetur ipsa synodus in epistola synodica ad Iulium Papam scripta, quæ edita est inter Fragmenta Hilarij: *Tria fuerant quæ tractanda erant. Nam & ipse religiosissimi Imperatores permisérunt ut de integræ universa discussa disputationeretur, & ante omnia, de sancta fide, & de integritate veritatis quam violaverunt. Secunda de personis quas dicebant esse dejectas de iniquo judicio ut si potuissent probare, justa fieret confirmatio &c. Vbi fortasse legendum, non iniquo judicio. Eo Imperatorum permisso se synodus Sardicensis tuebatur adversùs orientalium conquestrationem, qui aiebant judicia à suis predecessoribus fato functa non posse retractari. Non erat fas eorum qui jam cum Deo sunt sententiam refricare, ut inquietant orientales in sua epistola synodica. Ex ea porrò epistola colligi potest usus qui tum apud Episcopos invaluerat, auxilium Principum implorandi adversùs judicia Episcoporum.*

Qq ij

D. Iun. Cde sen-
tent. Praef. pœna
& I. f. C. De pœ-
nib. Imp. offer.

Tom. II.